

Gobernador a entrega Condecoracion Real na Shawn Zaraga y Xander Bogaerts

Pa nan titulo mundial di baseball cu seleccion di Hulanda

ORANJESTAD- Diabierna ultimo Su Excelencia Gobernador Fredis Refunjol, a entrega Condecoracion Real den 'Orde van Oranje Nassau' na e dos atletanan di Aruba, Shawn Zaraga y Xander Bogaerts, kendenan na luna di October 2011, a bira campeon mundial di baseball amateur den torneo na Panama, formando parti di e seleccion di Hulanda.

Ya caba henter e seleccion Oranje a wordo homenagea na luna di november 2011 na Haarlem caminda entre esnan cu a ricibi nan Condecoracion Real tabatin e coach Brian Farley y e capitan di e seleccion Sidney de Jong mientras cu otro hungadonan, segun palabracion, lo ricibi nan reconocimiento na un otro ocasion cu lo ta na nan propio pais di origen. Pa e motibo aki a dicidi cu tanto Zaraga y Bogaerts lo ricibi nan Condecoracion Real aki na Aruba.

Durante di e recepcion den Fort Zoutman na honor di Zaraga y Bogaerts, Gobernador Refunjol a para keto un rato na e logronan di e baseballistanan di Aruba, bisando: "Na 2011 nos a celebra e 25 aña di existencia di Aruba como pais. Ta importante pa nos por constata cu fuert di desaroyonan den nos pais

Aruba, cu tin Arubianonan cu individualmente tambe a logra exitonan. Boso mes-ter sa mas cu tur otro, cu Aruba ta gusta baseball enormemente y cu ganando e titulo mundial di baseball, boso lo bira e ehempel grandi pa mucha homber y mucha muhenan den Little League. E honor aki tambe ta trece responsabilidad cune," Gobernador Refunjol a muestra na e pelotonan.

Tambe Su Excelencia a referi na publicacionnan cu a sali publicada na Merca riba e dos hungadonan aki di Aruba caminda riba Shawn a ser muestra: "One of the greatest players ever to come out of Aruba..." mientras cu riba Xander a ser muestra: "High baseball IQ with impressive maturity, smooth fluid swing and shows the ability to drive the ball to all fields."

Finalmente Gobernador Refunjol a desea ambos pelotero tur clase di exito den nan carera como hungadonan profesional na Merca.

E ceremonia a wordo considera como un "Bijzondere Geleenheid" ya cu anualmente alrededor di 30 di April, Condecoracionnan Real ta wordo otorga na esunnan cu a destaca den comunidad, cu ta ser considera como un "Algemene



Gelegenheid," miho conoci como 'lintjesregen.' Den e caso aki e Condec-

oracion a ser haci como un "Bijzondere Gelegenheid" ya cu logrando e titulo

mundial, ta ser considera como un momento special y unico. □